

## PREMIO SPECIALE «TONINO LEDDA» - Rotary Club Ozieri

### PAZI

Candu  
i' l'inverru lu zeru  
truva nui minazzosi  
e l'eba  
i' li veddri  
di lu baschoni  
pinta burinadduri  
e bisgiurà di babaràtturi  
isthracchi,  
lu cori meu  
s'ingarinèggia  
e sogna pazi.

Pazi pa' l'ànimi  
di ca no v'è più,  
pazi pa' ca  
s'è pessu  
e no lu sa,  
pazi pa' ca  
s'è cunsumiddu di làgrimi  
e piegni fendi  
lagrimà lu cori,  
pazi pa' chisthu  
mondu fazzu  
chi no sa più  
cos'è l'amori.

Pazi pa'  
la me' ànima inchieta  
chi no sa agatà  
abitu a li so' pinsamenti  
ruddurani, ma ancora  
in un fiori chi nasci  
vedi l'ipera d'un asthru dumani.